



Clypeus Theologiæ Thomisticæ

In Tres Partes Divisus, Et Quinque Volvminibvs Comprehensvs

[Tractatus de attributis, de visione beatifica, de scientia Dei ac de ejus voluntate et providentia]

Gonet, Jean-Baptiste

Coloniæ Agrippinæ, 1671

§. I. Quibusdam præmissis referuntur sententiæ, & vera eligitur

[urn:nbn:de:hbz:466:1-77132](#)

DE SCIENTIA FUTURORUM CONTINGENTIUM. 257

morum. Prædeterminatio verò ad materiale A peccati, est à Deo solum tanquam à causa prima, & univerſaliflum, ac generali provisore, submiſſante causis secundis, tam liberis quam necessariis, media necessaria ad agendum. De quo plure in Tractatu de voluntate Dei.

ARTICULUS VII.

An futura contingentia absoluta, sunt præsentia scientie Dei aeternae, obiectivæ tantum, an etiam realiter?

Cum S. Thomas art. 13. hujus questionis, a- gens de scientia Dei, & cognitione quam habet de futuris contingentibus, doceat futura contingentia, ab eo certo & distinctè cognosci, quia eis aeternitatis sunt actu præsentia: quā præ- sentia, an objectivā tantum, & intentionaliter; an eam physicā, & realiter? controvertitur inter Theologos, præfertim inter Thomistas, & Recentiores. Quod ut magis declaretur, & status hujus celebriſſimae difficultatis clarius percipiatur, quadam breviter hic præmittenda sunt. Unde sit

§. I.

Quibusdam premijs referuntur sententiae, & vera eligitur.

108. **N**otandum primò. Quod sicut in rebus cre- aturis duplex distingui solet à Philosophis præsentia, una realis & physica, quam habent quando producunt & ponunt extra suas causas. Altera intentionalis, & objectiva, quam habent in mente cognoscētis: habet enim omni cognitione, quod sit objecti sui repræsentatio, ipsumque, quatenus quædam est ejus similitudo, potenter cognoscēti quodammodo sīstet, & præsens efficiat. Ita etiam duplex potest distin- guiri in scientia Dei præsentia, respectu futu- rum contingentium. Una ei soli propria, quatenus est viva, clara, & intuitiva sui objecti simili- tude, ac repræsentatio. Altera ei conveniens ra- tione aeternitatis, quæ ob suam infinitatem, ad illa virtualiter se coextendat, eaque in sinus suo valissimo, ac infinito, continet & complectatur: ita quod si per impossibile Deus non habeat futura contingentia in sua præscientia & cognitione præsentia, videret tamen illa præsentia in sua aeternitate. Inquirimus ergo, an utroque modo Deus habeat futura contingentia sibi ab aeterno præsentia, an verò solum primò.

Notandum secundò: Præsentiam realem & physicam futurorum contingentium in aeterni- tate, tribus modis posse concipi, vel imaginari. Primo per quandam anticipatam illorum pro- ductionem in aeternitate, distinctam ab illa quā producuntur in tempore: ita ut Antichristus v. g. concipiatur ut præsens in aeternitate, quia in illam productus est, & positus extra suas cau- fas. Secundo per coextensionem ipsius rei tem- poralis ad totam aeternitatem, eo ferè modo, quo illi coextenderetur tempus infinitum, si da- retur. Tertio per coextensionem ipsius aeterni- tatis ad illam differentiam temporis, in qua fu- tura contingentia aliquando existent, & sicut præsentia. Certum est deinde, futura contingentia non esse Deo realiter & physicè præsentia primo & secundo modo, cum Scriptura testetur Tom. I.

omnia incēpisse in tempore, & nihil esse pro- ductum ab aeterno. Unde solum difficultas & controversia est de tertio modo, per coextenſio- nem scilicet ipsius aeternitatis ad illam differen- tiā temporis futuri, in qua Antichristus v. g. producetur. Quæritur ergo, an aeternitas expe- ctare debeat ipsam existentiam, transitum, & fluxum rerum temporalium, ut illas in se conti- neat, & mensuret: eo ferè modo quo pons in medio fluminis existens, vel arbor ad ripam illius plantata, expectat ipsum transitum, & fluxum aquæ, ad hoc ut illam possideat, vel mensuret: an verò illa ratione suæ infinitatis se virtualiter co- extendat, non solum ad res præsentes, sed etiam ad præteritas & futuras; nec expectet quod illæ actu existant in propria mensura, ut illas com- plectatur, & mensuret; sed præveniat, & præoc- cupet, ratione suæ extensionis infinitæ, illatum præsentiam, & existentiam temporalem; & ratione suæ indivisibilitatis, modo quodam indi- visibili & immutabili ex parte sui, eas contineat, tota successione, & mutatione ex parte rerum temporalium se tenente? In qua difficultate, quæ ut constat, non est de solo nomine, aut de modo loquendi (ut quidam existimant) duæ sunt sententiæ extremitate oppositæ.

Prima absolutè negat futura contingentia ab aeterno esse Deo physicè & realiter præsentia, ra- tione suæ aeternitatis, sed objectivè tantum, & intentionaliter, ratione divinæ præscientiæ & cognitionis. Ita tenent Durandus, Scotus, Aegidius Romanus, & Herveus: quos sequuntur Suarez, Vazquez, Alarcon, & alii Recentiores, paucis exceptis.

Secunda ex opposito docet quod licet res om- nes creatæ in tempore, & in propria duratione incipiunt existere, ac proinde in illa physicè ab aeterno Deo non coexistant; in aeternitate tamen illi ab aeterno coexistunt physicè, & realiter, & non solum objectivè, & intentionaliter; quare- nus aeternitas, ratione suæ infinitatis & indivisi- bilitatis, eas ambit & continet in uno nunc indi- visibili, virtualiter correspondente illi differen- tiæ temporis, in qua res producuntur & existunt. Ita, præter Thomistas, docent Ricardus in i. dist. 38. Abulensis in cap. II. Josue quest. 20. & se- quentibus; & ex Recentiorib[us] as Molina h[ab]it disp. 13. Fonseca c. Metaph. cap. 2. Granado Tract. 4. de Scientia Dei disp. 3. Ruizius disp. 28. sect. 3. & novissimè Claudius Typhanius in lib. de Op- dine cap. 19. contra quos acriter stomachatur Alarcon, eo quod, cūm aliis Theologi ejusdem Societatis, nihil magis horreant, quām hanc re- alem præsentiam rerum in aeternitate, hi tamen illam admittant, & in castra veluti transeat aliena.

E Dico igitur: Futura omnia contingentia, esse Deo ab aeterno præsentia; non solum objectivè, ratione suæ præscientiæ, sed etiam realiter & physicè, ratione suæ aeternitatis. Hæc conclusio, quatuor firmissimæ, ac solidissimæ nititur fun- damentis. Primum sumitur ex autoritate San-ctorum Patrum. Secundum ex testimonio San-cti Thomæ. Tertium ex excellentia divinæ aeternitatis. Quartum ex perfectione divinæ scientiæ, & ex ejus intuitione, ac invariabilitate. Tria pri- ma h[ab]it exponemus, quarum constabit ex di- cendis articulo sequenti.